


Rycond Santos do Nascimento e prome "Doctor" promovi na Aruba



ORANJESTAD(AAN)-- : Rycond Santos do Nascimento, naci na Aruba di 38 aña di edad, desde diahuebs ultimo ta mr. Dr. Rycond Santos do Nascimento, un docente di ley na e mesun universidad, pero cu a sigui studia, a skirbi un tesis titula "Het Koninkrijk ontsluit", a defende na Hulanda na december ultimo y awor a defende na Aruba tambe. E defensa a tuma luga dilanti S.E. Gobernador di Aruba, Presidente di Parlamento di Aruba, Prome Minister di Aruba, Rector di Universidad di Aruba y varios

otro invitado mas. Dia 15 di december 2016, e candidato a defende su tesis publicamente, durante un sesion cu a tuma luga na Rijksuniversiteit Groningen na Hulanda. E defensa a tuma luga dilanti Rector Magnificus prof. Dr. E. Sterken den presencia di su promotor prof. mr. Douwe Jan Elzinga, e di dos promotor tabata prof. mr. Herman Bröring, e profesornan di e comision di evaluacion tabata prof. mr. Gerard-René de Groot, prof. mr. Ernst Hirsch Ballin, prof. mr. Solke Munneke y prof. dr.

Gert Oostindie. Diahuebs ultimo dia 16 di februari 2017 a tuma luga e defensa publico pa asina e estudiante por ricibi e titulo di


Hulanda aki tambe Rector mr. dr. Glenn Thodé ta na cabes di e comision di evaluacion, cu a conta tambe cu e profesornan cu a haci pregunta cu tabata



"doctor" for di Universidad di Aruba tambe. Mescos na

prof. dr. Gert Oostindie, prof. mr. Gerard-René de Groot,






prof. mr. Herman Bröring, prof. mr. Flora Goudappel y prof. mr. Douwe Jan Elzinga. Tambe tabata presente prof. dr. Alex van Stipriaan Luiscius. E comision di evaluacion, bisti completamente den nan toga specialmente pa e ocasion solemne aki, a cana drenta aula di Universidad y asina cu e defensa a cuminsa, e candidato tabatin 45 minuut pa defende y contesta tur pregunta cu tabatin. E invitadonan a sigui e defensa den aula di Universidad di Aruba, mientras cu demas interesadonan a sinta den un di dos sala y mescos cu hopi na cas, a sigui e via internet y riba e pagina di Facebook di Universidad di Aruba.

Na final, despues di a ricibi su diploma oficial y firma dor di su promotor, e comision di evaluacion y Rector di Universidad di Aruba, a

sigui un celebracion chikito den cual e invitadonan por a felicita e graduado. Den su buki el a dedica e tesis aki na su señora y su yiu muhenan



cu tanto a sostene durante su estudio. Universidad di Aruba ta existi desde aña 1989 y entretanto ta conta cu no menos di 600

estudiante, parti den e Facultad di ley (mas bieu), Economia (FEF), Hospitalidad & Maneho di Turismo y Ciencia & Arte (mas nobo).